

Stimming

I.

Pro ai del chan essenhadors
entern mi et ensenhairitz:
pratz e vergiers, albres e flors,
voutas d?auzelhs e lais e critz,
per lo dous termini suau,
qu?en un petit de joi m?estau;
den nulhs deportz nom pot jauzir
tan cum solatz d?amor valen.

II.

Las pimpas sian als pastors,
et als enfans bordeitz petitz,
e mias sion tals amors,
don ieu sia jauzens jauzitz;
qn?ieu la sai bona tot aitau
ves son amic en greu loguau
[per so sui trop soen marritz,]
quar non ai so qu?al cor n?aten.

III.

Luenh es lo castelhs e la tors,
ont elha jai e sos maritz,
e si per bos cosselhadors
cosselhan no sui enantitz,
qu?autre cosselhs petit m?en vau,
aitant n?ai fin talan corau:
al res noi a mais del murir,
s?alquun joi non ai en breumen.

IV.

Totz los vezis apel senhors
del renh, on sos jois fo noiritz,
e crei, quem sia grans honors,
quar ieu dels plus envilanitz
cug que sion cortes, lejau;
ves l?amor, qu?ins el cor m?enclau,
ai bon talant e bon albir
e sai, qu?ilh n?a bon escien.

V.

Lai es mos cors si totz, c?alhors

non a ni sima ni raitz,
et en dormen sotz cobertors
es lai ad lieis mos esperitz;
e s?amors mi revert a mau,
car ieu l?am tant e liei non cau;
tost verai ieu, si per sufrir
n?atendrai mon bon jauzimen.

VI.

Ma voluntatz s?en vai lo cors
la nueit el dia esclarzitz
laintz per talant de son cors;
mas tart mi ve e tart mi ditz:
«amicx, fas elha, gilos brau
an comensat tal batestau,
que sera greus a departir,
tro qu?abdui en siam jauzen».

VII.

Per so m?en creis plus ma dolors,
car ieu au lieis en luecs aisitz,
que tan no fauc sospirs e plors,
que sol baizar per escaritz,
quel cor mi tengues san e sau;
bona es l?amors e molt per vau,
e d?aquest mal mi pot guerir,
ses gart de metge sapien.

- letto 284 volte